

docriver 文川网  
古籍书城  
在文川网搜索古籍书城 获取更多电子书


中國方志叢書·華中地方·第三五一號

據 清·金大鏞修，王伯心纂  
同治三年刊本

影印

湖北省

# 東湖縣志



成文出版社有限公司印行



中華民國六十四年 月壹一版

# 東湖縣志

全 冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

# 續修東湖縣志序

東朝之有志也自乾隆二十八年前邑令林君平園始至今百有餘年闕焉未有續纂者蓋放佚多矣同治元年五月大儲銓補茲邑下車興廢振滯略有端緒乃延都人士詢及志乘且謀增輯皆色然喜願以經費不充與歲遠採訪難稽爲慮因語諸君曰誠知其難然今不輯後益難矣乃以二事屬之諸君皆忻躍襄事勸募得若干摺採訪亦次第續至於是卽試院設局延監利王子壽比部爲之載筆邑中淵雅士咸預編纂而大儲綜其成焉按舊志體例頗詳整有法今分門悉用之而以續採者依類比附或有感觸則因事立論凡十月竣事乃攝其大意序諸首簡竊惟古今之政莫大乎善因因之大者莫先乎地與時教令特化裁通變其間爾志者所以著相因之迹也今卽東湖論之居楚蜀之交扼峽門之隘形格勢禁戰守兩便此其地與時歷今古不變者也乃若閩里由荒寂而殷盛財貨由儉瘠而豐衍風俗由樸而華士氣由質而文又時地之大變於古者也今夫東湖之險不下虎牢劍門矣咸豐間鐵牡再飛兵火所燔郊關殆遍恃險而忘戒備無亦桑土之謀未豫乎粵逆倡亂淮綱絕而蜀鹽通連牆接舫銜尾不絕由是百貨充販商旅鱗集西南數千里縮穀於此爲大都曾不啻昔之維揚漢皋焉然保無逐末者日多緣南畝者日少乎都麗奇異踵事增華吉凶相尙漸染成習能無少節其流約之以禮乎科名蔚起通華相驟意者經術行誼與文武開濟之具當亟講乎孝子悌弟烈士貞媛扇芬竹册不絕於書來者倣慕果能勉而不忘乎且事又有大變於古者邑多山素不憂水鬻庚申夏岷江驟漲漂室廬人民無算患生慮表安可暨忘軍興以來轉餉不足闔帥以蜀船所聚算緡括租棋置星羅茲邑爲多先後供餽餉約總二十萬以上一時權制誠不得已然杼柚之勞可念也今之茲志凡斯之類悉皆標舉俾爲吏於茲者得所因而施教令卽邦人亦可察其變而益敦風尙其歷年既久無從採錄者謹效闕如若夫侈山川文物之美盛以馳騁淹洽爲能者則英流才士所務無煩有司者攬臂其間也

docsriver 文川网  
入驻商家 古籍书城

在文川网搜索古籍书城 获取更多电子书

東湖縣志 序

同治三年歲在甲子  
誥授奉政大夫同知銜知湖北宜昌府東湖縣事桐城金大鏞撰

## 續修東湖縣志序

邑之有志乘所以紀山川疆里戶口賦役與夫政典兵防風土人物而官其地者按籍以考卽爲治之道因之誠邑宰之圭臬也東湖志創於乾隆間邑令林君平原百餘年來未加重輯同治元年桐城金序之明府來宰是邑慨然以續修爲己任因集邦人士募資採訪設局延王子壽比部主蒐訂不期年均已付梓事將竣適 恩奉委代庖喜是書之適觀厥成也亟率董事者付匠裝潢成帙計若干部夫君子不掠人之美是役也其倡率邑人綜理局務所爲釐然有條者皆金君殫精畢慮之所致至邑之紳耆相與贊襄亦均能維持廢墜有足多者諸君迺屬余序言於簡端余方愧慕之不暇何能贊一詞然余權斯篆得觀其紀載以資治理是余之幸也爰綴數語殆亦附驥名彰之意云爾

同治三年歲次甲子

欽賜花翎卽補知州署理湖北宜昌府東湖縣事長白福惠譔

# 東湖縣志原序

宋歐陽子令彛陵受事日淺未嘗赫赫有宦蹟可紀述而爲政風流發見於詩文者則備載其江山名跡之所以流傳人情物理之所以散殊土風習俗之所以僻陋又時時禮接邑處士何參以習知荆楚遺事後之宦彛陵者採摭故實皆得本六一詩文以資攷據而歐陽子之協恭同寅委蛇退食表裏亦具見焉蓋不獨名賢過化地與俱韻而已席以鄉後來蒞茲土則功令改彛陵爲東湖已二十有七年距歐陽子令彛陵時已八百年矣署之東偏絳雪堂在焉巋然魯靈光也自辛巳莅官歲經三改方視事匝月議葺城垣以固邊方邑之紳耆復以四大役請爲領其三廟學街渠邑志再期皆落成並製文紀顛末志之始葺也席爲發其凡嚴子濬主其稿從弟彬佐其役邑紳士編次其卷軼旁搜博引成二十餘萬言凡歐陽子所有述于彛陵者無不具視舊州志特詳惟我國家方承平百餘年陞郡改縣物豐阜而民殷富衣冠文物之盛非復如歐陽子所譏然市廛之雜沓水陸之險巖土著人民之奢靡浮厲奸猾之無賴不根則又非前此八百年之情事也夫轉移風化之本責救其流弊之所極故奢示以儉而禮可興寬濟以猛而教可成善善惡惡是是非非一準諸三代之直而道德可一風俗可同官斯土者惡可不取裁于斯志歟席愧乏經術以飾治具而治術所發中節爲難古之循吏平其心以酌事理之宜明其識以達事理之要誠其意以立事理之本然後表裏始終貫徹交孚民視民聽可與輿情共見聞也士大夫之所口道山農野老之所指目莫非譁然而責我以責者卽安敢虛構疑加增飾浮譽露才揚己以自夸大顯乖於斯志之所錄而轉錄遺疾惡哉夫歐陽子守官無赫赫之名邑人至今猶私之則皆易直子諒之心之所旁暢也校閱斯志景仰前賢小禁廢然而知所以自返己是爲序

乾隆二十八年癸未陽月賜同進士出身 勅授文林郎知湖北宜昌府東湖縣事鈴陽林有席撰

## 原敘

東湖古舜陵也舜陵名始著於國策其地扼荆蜀之要山川形勝習俗馴動處之得其宜化之得其道類非俗吏之所能爲之也宋歐陽文忠公嘗蒞斯土至於今已八百餘年矣兩人往往以爲美譚雖循良之名未其赫赫其爲政風流則因可想見乃吾考公當日之來舜特因事而貶非宋爲舜陵擇官也是宋於天下形勢之區直鄙之爲僻陋而使有罪左遷者居之亦豈公一人之不得志已耶我國家聖聖相承登三咸五疆域日圉化洽邇方直省之郡邑因地設險因時制宜各有其法舜陵州地居緊要皇上御極之初尤制撫議立宜昌府治重之也而州地附府城者改爲東湖縣此東湖之名所由昉也越二十有七年西江林君平園以進士令是縣始轉縣志既成事適余視學楚北按試宜昌林君進講以敘請余嘉其不囿於俗而能以文章潤色吏治也其誠有興起於孺先生文忠公之澤者歟故不辭而述其略若夫山川名勝之跡人情風土之宜仕宦又藝之著誌載詳載後之覽者自有以得之余不復贅一詞矣

乾隆二十八年歲在癸未 賜進士出身工科給事中總督湖北學政武原朱丕烈撰  
東湖志前令林君平園所修及今三十七年矣板蕪蕪吏舍度賦不謹遂致缺失漫漶余承乏此邑十有餘載懼其浸傳浸壞因爲補綴就刊計若干頁字三萬有奇而此志復完是書體例概仿蔚宗不蔓不支燦然成體昔秋帆畢大司馬謂可媲美武功或不謬也鄉先生張椿廷廉使留意是書晤時輒以爲言今廉使殞矣亟於烽火槍擄間撥戈爲此聊以塞責云爾  
嘉慶五年庚申仲秋湖北武昌府通判署宜昌府東湖縣事嶺南何學青跋



# 原修東湖縣志後序

王恩進

東湖舊彝陵地據長江上游西通巴蜀爲楚北咽喉周秦以來無朝不被兵革其最慘者莫甚於明季闖獻諸賊及滇逆之叛適當其衝與王師相拒前後幾四五十年幸天命有歸羣寇撲滅始獲甯一志烏乎詳考之明始有張春彝陵志十卷不復可購覓康熙初州侯鮑公掇拾於煨燼之餘薈萃成編彙爲八卷近百年於茲矣閱世既久缺漏滋多林侯以江右名宿出宰敝邑甫下車捐廉倡首先興廟學與古蹟之當復者傍及城郭溝衢諸大役次第就理繼乃集邑中諸子議修邑乘聘進士嚴潛菴暨文學林竹溪分任其事諸子互相讎校開局於考院公廨而侯以一人總其成政暇輒就館商榷一本慮衷踰期而工竣將七百板視昔四倍之其體裁略仿蔚宗後漢書而參酌時賢善本自廿二史以外廣爲捃摭不濫不遺繪圖列表別類分門垂三十卷皆前此所未有於是東湖一邑駸駸乎文獻之足徵已書成余門人楊生振世郭生江者述侯之意相繼請曰是不可無一言余老病歸休雖無能爲役未嘗不率先父老扶杖以觀新志之成也昔歐陽子令彝陵時隨地盡力觀其再與尹師魯書則知五代史之作實草創於此其時值同年丁元珍爲判官又有里人何參輩多識荆楚故事使稍寬以歲月未必不於彝陵有所撰述惜甫一周遽移乾德軍以去中間復有河南之行計蒞宮纔八閱月耳乃以其全集考之得公詩文已三四十篇無非闢風教者余不敏承乏廬陵忝爲公桑梓長官凡六載愧不能以公之治彝陵者治廬陵今侯來于公之鄉獨以公之治彝陵而未盡施於廬陵者治東湖是亦歐陽而已矣若夫旨遺詞文粹然儒者之言則亦歐陽子五代史之遺音也志云乎哉因重述侯意謹綴數語於簡末并以塞楊郭兩生之請且誌余愧云

皆

乾隆二十八年癸未陽月撰

歸 域

圖 域






東湖縣境南北距三百二十五里東西距二百里  
截長補短週廻約五百餘里居民依山傍巖村落  
相望分列三十八鋪鋪各有界若驛站若塘汎水  
陸道途之所經市廛墟里之所駐圖並略焉入其  
境披覽參稽瞭若列眉但地關要衝西陵峽口前  
此寇盜竊據負隅走險自秦迄明史不絕書我  
朝德教漸濡剪除荆棘黃牛查波浪靜波平相垂  
百餘年觀斯圖者可覆按而得規畫之宜已圖疆  
域

疆 綉

域 圖

東湖鋪分舊圖在疆域中未著道里且其後  
頗有增析夫村落走集道路迂直之數皆微  
察期會與師旅戰守所必經為命者周知曲  
折然後賦政圖功悉中揆度周官土訓之道  
地圖誦訓之道方志蓋此意也非是則暗室  
面牆戶庭之外且不察况四境之遠哉今圖  
皆分方計里庶廣舊志所未及



蜀道三千峽路一線色當水陸之衝此天之所以設險開  
域也自黃牛明月諸峽挿天峭削歷南津關始鑿下走八  
十里荆門虎牙並峙爭雄大江貫注其中江左諸山自雍  
之終南歷嶓冢踰南津遠安入州之北界為馬鞍山南折  
至東山融為縣治西北如石鼻天柱東南如荆門天臺執  
笏其尤著者水若羅甸下牢姜詩長橋臨江諸溪雖同注  
於江而竟委窮源遠近不一村落居民水耕大耨相山水  
之宜以自衛其生官斯土者覽茲圖籍將何以聯屬其形  
氣流通其血脉與圖山水



垣 歸

園 城

docsriver 文川网  
入驻商家 古籍书城

在文川网搜索古籍书城 获取更多电子书

城址地脈來自東山由東北城迤邐而入相  
傳郭景純流寓時所相度前代城無定處至  
宋時復移江左即今址也元明因之鎮境亘  
其北高道竦其南上納金沙岷山數千里之  
水為襟襟帶而荆門虎牙諸山圍鍵其外形  
勢雄秀傑出儼然一名都會全城衙署祠廟  
里舍屋宇罔不備載而地脈之旺東主發生  
南屬壽春觀邑中向背之宜商車中富教之  
萃是在黃寺寺城者固城垣

廡

𠄎

𠄎

廡

縣署自咸豐間一再被兵解舍悉付焚  
如稍完者僅東西書房而已其後次第葺  
治內而堂皇外而科房旁而廡舍皆翦  
荆棘除瓦礫而經營之者也視曩制頗  
有增損故取舊圖改繪之

𐎗𐎎𐎗𐎎𐎗𐎎

𐎗𐎎𐎗𐎎𐎗𐎎

𐎗𐎎𐎗𐎎𐎗𐎎

𐎗𐎎𐎗𐎎𐎗𐎎

環城地坦平行十餘里無深渠巨溝以洩水  
勢舊開五大壩以疏之兼開諸小壩滙大壩  
以並達於江居民利焉年久淤塞浸淫蒸濕  
必資開浚然疏溝必先修街以衝高於民居  
故也余前倡是役紳士咸樂從之乃舉諸古  
藩疏剔不遺餘力如血脈流通神氣自旺咸  
受美疴之宜嚮為是圖詳其原委經絡並街  
衢塗巷真諸書所誦王道蕩蕩王道平平者  
與國添衛

𠄎

𠄎

𠄎

𠄎



唐詔州縣立先聖廟宋崇寧詔州縣皆卽廟建學爾  
時州治遷徙無定廟址亦無可考至明洪武詔天下  
建學此州廟學所由始也前代州人士蒸濡陶淑人  
文蔚起節義炳然至今不衰我朝雍正十三年易  
州為縣廟學未加重新余下車釋奠始與邑人士謀  
興斯役記其事編藝文志茲復詳繪為圖凡大成殿  
兩廡戟門泮池櫺星門以及崇聖宮明倫堂兩齋舍  
尊經閣具詳焉重廟制尊聖教也而教尚未遑當次  
第而圖度之圖文廟

同

亥

同

同

文昌宮之建久矣舊有節烈祠當其前  
形家謂面峯不露非所宜也都人士乃  
移祠他所更拓宮而大之蔚為壯觀建  
奎星樓於門內遠攬近挹靈秀奔轆由  
是高科上第如雲而起矣以其為輔助  
地氣煥啟人文也故國之昔無今有

罪 罪

罪 罪

墨池書院自前太守仲蘇程公重葺而  
後規模甚壯篝膏火廣造就條目備具  
矣雖闔郡生皆太守親課然地隸東湖  
又往與六一書院分合不常且得名原  
於景純尤勝蹟之卓卓者也宜著之圖  
以示久遠昔無圖今補之

𠄎 𠄏

𠄐 𠄑

docsriver 文川网  
入驻商家 古籍书城

在文川网搜索古籍书城 获取更多电子书

六一書院者景賢造士之區也昔歐陽公以  
雄詞直節謫居是邦後人愛而慕之建書院  
祀公且聚英髦絃誦其中歲久頽廢蓋名存  
而實亡矣道光時乃合捐貲大加修治邑中  
多士講貫有所而令尹按月親詣校課焉夫  
敷教以士林為首况茲地尤為宗仰名賢樂  
群敬業之所者哉圖之以補舊志所無



臺

爾

圖

雅